

**Qeqertalik-kommunep katersortarfianni ilasseqatigiinnermi oqalugiaat
tallimangorneq ulloq 10. januar 2020**

Qaaqqusisoq: Borgmester Ane

Sammisaq: Takornarissat unnuisarfiilu

Qujavunga ullumikkut maani ukiortaaq 2020-mi ilasseqatigiinnermi oqalugiaammik ilanngussaqarsinnaagama, borgmester Ane Hansenip oqalugiaatingilikkannut isumanga tusarusussimavaa:

- **Qeqertalimmut takornarissat tikittartut amerlisinniarlugit iliuusissat**
- **Unnuisarfiimmi qanoq pissappat**

Eqqartorniakkakka qulequttanik marlunnik ilalaarnikuaakka:

- **takornarissat tikikkaangata kiffartuussisussanik, misigisassarsiornerminni ilimagisaannut eqquutsitseqataasussanik, immikkoortortassinummi orninigupput kajungerisaqarlutik. – kiisalu**
- **Qeqertaliup takornariaqarnikkut Ilulissat mittarfittaassaas iluaqutigisinnaavaa?**

Oqalugiaatitut ilanngussara qulequttat sisamaasut tulleriinneri maleqqissaanngilai, saqqummiussannullu uiggiuppakka.

Naatsukullammik qanoq tunuliaqutaqarnerlunga eqqaalaassavara: Ilaatigut Visit Greenlandip siulersuisuini ilaasortaavunga. 1992-miit 2018 septemberip tungaanut Hotel Arcticip piorsarneqarnerani siuttuusimavunga. 1977-miit 1992-mut Air Greenlandip allaffissornermi timmisartunillu ilaasartaatinik attartortitsisarfiup immikkortortaarfiani sulivunga. Ilulissat "nunarsuup assinganut" inisseeqataasunut suleqatigiiffimmi ilaavunga, allat sullarissut peqatigalugit Ilulissat Kangia UNESCO-p nunarsuarmi eriagisassatut nalunaarsugaannut ilanngunneqarnera iluatsilluarnerpaatut oqaatigineqarsinnaavoq, tamannalu juli 2004 pivoq. 1977-mi Landstingimi mittarfik naatsoq Qeqertarsuup tunuani sumi sananeqaqqaassanersoq taasissussutigineqarmat eqqaamavara. Illoqarfiit marluk toqqarneqarput, tassaasut Aasiaat Ilulissallu. Aasiaammi ukiuni hunnorujulikkaani Kalaallit Nunaata avannaani illoqarfiit pingaarnersaattut qitiusumik inissisimasarsimavoq soorlu europami arfanniarnermi, KGH-p angallannermut pilersaarutaani, illoqarfinnut nunaqarfinnullu allanut nassiussanik ingerlatitseqqiivittut, aammalu ilinniarfittut, kingullertullu taasanni suli uku ingerlapput Avannaani Ilinniarnertuunngorniarfik sulineramik inuussutissarsiuqarnermik ilinniarfik aamma immikkut ittumik atuarfik.

Aallarniutitut takornariaqarnikkut killiffippat eqqaarusuppara ukiut qulikkaar iserterfigineranni:

Januarimi 2018 Kommunep avinneqarnerata malitsigisaanik illoqarfiit Aasiaat, Qeqertarsuaq, Qasiginnguillu **sukarsuartut pingasutut inissipput takornariaqarnermut** "toqqammaviusussat", Qeqertaliup nunaqarfiisa ilaanut aamma periarfissiisut.

Ukioq kingulleq Qeqertarsuarmi Jens Sallingip suliffeqarfiutini Topas Rejser v/Jørgen Nielsenimut tunivai, kingornalu unnuisarfiit neriniartarfiullu igaffia nutarsarneqarput, pitsaassutsimikkut nunarsuarmisut inissisimalerlutik. Qeqertarsuarmi takornarialerineq pitsaassutsikkut qaffasissumik inissisimalerpoq. Taamatuttaaq Topas Rejserip Hotel Disko Qasigianguaniittoq pigivaa.

Disko Line (aamma Jørgen Nielsenimit pigineqartoq) illoqarfiit Aasiaat Qeqertarsuarlu ataqatigiissilerpai. Ilanngullugulu Aasiaat Qasigianguillu (Ilmanamullu ingerlaqqilluni).

Immikkoortortap ussasaarutigineqarnera:

Aap, taava assiliaq qanoq isikkoqalerpa, kikkut sulerippat?:

Grønlands Turistråd Kalaallit Nunaanni takornariaqarnikkut siunnersuisoqatigiit - tassaasoq Visit Greenland – nittartakkaminni akissarsisinneqarnikumi, toqqagassaq "Nordgrønland", immikkoortortaqarfiup illoqarfii pingasut kusanartumik oqimaaqatigissaakkamillu saqqummiunneqarput:

www.visitgreenland.com

Namminersortunit pigineqartoq Nuummi allaffeqartoq "Greenland Guide to Greenland" kikkulluunniit takornarissanut misigisassarsiortitsisartut, namminersortuaqqat anginerillu, imminnut nittarsaaffigisinnaasaat nittartagaq una aqutigalugu:

Air Greenland

www.airgreenland.gl

www.guidetogreenland.com

Sømandshjemmi Aasiaanniittoq takornarissanut nittartakkamik ingerlataqarpoq, ilaatigut makku misigisassatut neqeroorutaapput sikumi aalisarneq / umiatsiarneq / arnarnik takornariarneq.

www.soemandshjem.gl/da/en-pa-oplevelern

Diskoline kusanartumik nittarsaassivoq ukunninnga illoqarfinnik Aasiaat, Qeqertarsuaq aamma Qasigianguit, tassa immikkoortortami illoqarfiit pingasuusut nittartakkaminni:

www.diskoline.gl

Sørine Petersenip pigivaa

www.honestgreenland.wixsite.com

Kalaallit Nunaanni Angalatitsivik Københavnimiittoq

www.greenlandtravel.gl

Topas Rejser Rymiittoq

www.topasrejser.dk

Politikenip atuakkani naqiterisitsiviani naqitaq "Turen går til Grønland" "Kalaallit Nunannut angalaneq" ajoraluartumik Aasiaat Qasigiannguillu eqqaaneqangillat Qeqertarsuaq kisimi takorniariarfignissallugu periarfissatut eqqartorneqarpoq

Kalaallit Nunaannut angalanerit aaggissuuteriikkanik tuniniaasut annerpaat marluk tassaapput Grønlands Rejsebureau aamma Topas Rejser. Grønlands Rejsebureau kisimi Aasiaat aqqusaarlugu sivikitsumik Akunnaaq aqqusaarlugu angalanermik tuniniaavoq. Topas Rejserimi (soorunami) Qeqertarsuaq aamma Qasigiannugit angalanerit aaggissuuteriikkani ilaapput, kisianni Aasiaat ilaanngilaq.

Takornarissat angalernernik aaggissuuteriikkanik pisisartut sivilunerpaamik Kalaallit Nunaanniittarput, tassa hotelini unnuineri amerlanerusarput, naliginnaasumik sapaatip akunneranik sivilussusilimmik, eqqaariikkattullu illoqarfiit arlallit ornillugit/najorlugit taamaalillutik akunnittarfiit arlallit unnuiffigisarlugit.

Takornarissat namminneq angalanissaminnik aaggissuillutik Kalaallit Nunaanni angalasartut, immikkuutaarlugit timmisartunut unnuiffissanut hotelinut, bed & breakfastinut Airbnb-nillu inniminniisarput ullunut pingasuniit sisamanut.

Naatsorsueqqissaarnerit

Kalaallit Nunaanni Naatsorsueqqissaartarfik sanillersuussinermit kommunerujussuaq Qeqertalimmut Avannaanullu avereeraluartoq, tikittut/unnuisut ataatsimut iliorarlugit naatsorsorsimavai, aamma 2019-mi.

Kalaallit Nunaanni Naatsorsueqqissaartarfiup paasissutissaatai kingulliit, ukiup sisamararterutai siulliit pingsut 2019-mi, takutippaat timmisartorlutik Kalaallit Nunaat qimakkaat, takorniariat amerlanerit suli Danmarkimeersuupput (23.192) Tyskalandimeersut malitsisgalugit 4.603 aamma USA 3.459 kiisalu eqqaalaaginnarniarlugu Kinameersut 1.000-t ataatilaannguarlugit tikissimapput. Ataatsimut isigalugu takornarissat 2019-mi tikittut 2018-mi kisitsisit naligivaat - tassa massakut killiffik isigissagaanni.

Qeqertallip immikkoortuani takornarissat tikittartut amerlisinniarlugit isumassarsiat.

Tunngaviusorujussuarmik aallarniuteqassaanga, massakut piffissaq eqqarsaatigalugu, 2020-mi pisariaqaraluartut, imatullu tulleriaarneqartillugit:

- Asiannut tikittunik sullissivik
- Atorfimmik pilersitsineq ilaatigut ilisarnaatit sananeqarnerinut akisussaasoq, ussassaarineq, takornariaqartitsinermit immikkoortortami inerisaasoq, suliffinnik

pilersitsinerit aamma nutaaliortoq imatullu takornarialerinermit oqaatsini atorpeqartuni taaneqartarpoq DMO: Destination Marketing Organization

- Tulliullugu isumassarsiat marluk saqqummiutissavakka, aappaa annikinnerusumik pissarsiniarnermik imaqarpoq, kisianni isumassarsiap aappaa aningaasaliinertaqarpoq, ukiunullu sisamaniit tallimanut piffissalingaassalluni. Isumassarsiaq kingulleq ima taajuuserpara: "**reason to go to Aasiaat**", tassa takornarissat Aasiannukarumalersinniarlugit ussassaarineq.

Siullermik tikittunut sullissivik:

Pisariillisarlugulu imatut taaguserpara "takornarissanut paasissutissiinermut allaffik". Takornariaq tassunga allalluni imaluunniit ornigulluni saaffiginnissinnaavoq isumassarsiorfittut siunnersortiffittullu. Misigisassarsionertaa illoqarfimmi tunniussinnaasut peqatigalugit aaqqissuunneqassaaq, takornariarlu takornarissat takornarissanut paasissutissiinermut allaffimmut akiliissaaq. Aamma angalanermik aaqqissuuteriikkanik tuniniaasut misigerusutaat qulakkeersinnaavaat, piareersarnera ajornanngitsunnguuppat, tuniniaasumut ajornannginnerussaaq, taamaalilluni angalanissamik tuniniaasoq saaffiginneqqittuassaaq. Qitiusorujussuuvoq attaveqarnerit akineqapallattarnissaat. Nunarsuarmi niuffattuni ilaatillunga tusakulavara, maani Kalaallit Nunaanni kingullikuusugut, saaffiginnissutinut akiniarnerup tungaatigut, tassa emalikkut saaffiginnittut akinieqarnissartik sivisuallaamik utaqqisarsimavaat - ilaatigut allaat akineqanngivissortarsimapput. Unammilleqatigiinneq annertuvoq, takornarissap angalanissamillu tuniniaasup utaqqisinnaassusiat annikippoq, allanillu toqqaanissamik periarfissaqartuaannarpoq.

Taariikkattut atorfirmik pilersitsineq DMO:

Utaqqissunnagu piaartumik tulluartunik piginnaasalimmik atorfinitsitsisoqartariaqarpoq. Kalaallit Nunaanni immikkoortunut allanut DMO-qareersunut sanilliullugu Qerqertalik immikkoortortamini orninneqarsinnaasut tuniniarnissaannut kinguaattuupallassaaq, soorlu Avannaata Kommunea DMO-qartoq. DMO billetsinik imaluunniit misigisassanik tuniniaassanngilaq, tamanna angalatitsivinniit pisariitsunnguamik isumagineqartarmat.

Takornariat ataasiakkaarlutik namminneq pisisarput/inniminniisarput internetsimi nittartakkakut.

DMO-lli suliassarivaa piffissamut ungasissumut allaat pilersaaruserneq, suleqatigisinnaasanik nassaartorluni Qerqertalillu qanoq angitiginersoq, pinngortitalu immikkuullarinnera pissanganarluinnartumillu oqaluttuassartaqarnera taamaalilluni takornarissanut ornigarneqaataasunik pilersitsilluni. Naliginnaasuussaaq ilaatigut makku suleqatigissallugit: Namminersorlutik oqartussat, Visit Greenland Greenland Businessilu kiisalu immikkoortortami najugarisami takornarialerisut, pisiniarfiit neriniartarfiillu. Namminersorlutik Oqartussat takornariartitsinermut akuersissuteqartarnissamut inatsit akuerinikuuvaa, tungaviummik sinaakkusiinikkut aningaasaliinissaq qulakkeerniarlugu,

illuaqqanik sumiiffiit pilerinartumiittut allamiittullu attuumassuteqartut ineriartortinneqarsinnaaqqullugit, ineriartortitsinerit annertuumik aningaasartuutaasarmata.

Imaappoq DMO siammasissumik isikkiveqarluni suliane ingerlassinnaasariaqarpai. Illuatungeriimmik najugarisami immikkoortortamilu takornariaqarneq ineriartortillugit. Tappippiffigisariaqarpaa piginnaasanik ineriartortitsisinnaaneq, pilersitsisinnaassuseqarneq isumassarsiorsinnaanerlu.

Isumassarsiaq siulleg tassaavoq umiarsuit takornariartaatit tikittarnissaat:

Aalaakkaasumik suliniutigisariaqarpoq umiarsuit takornariartaatit siku peqqutigalugu pilersaarutit malillugit Ilulissanut tulassinnaasanngitsut, taarsiulluguli llimanamukartartut. Matumani Aasiaat taarsiutigissallugu pitsaanipilussuuvoq, saneqquttarpaami kujammukaaqqikkaagami. Arlaanni atuarnikuuara 2018-mi Aasiaat piffissaq kingulleq atorlugu kalerrinneqaraluarluni, umiarsuaq takornarianik 300 missaanni ilaasulik talitsissimagaa, sullilluarneqarsimallutillu. Kommunilu angallattakkanik perusersartarfinnik, tulluurtumut inissiisariaqarpoq takornarissat takornariartaatini umiarsuarneersut perusersarfissaqallugit. Qeqertarsuaq umiarsuarneq angallaffissaatillugu arlariarluni umiarsuiarnit takornariartaatinit tikinneqarnissaa pilersaarutaavoq.

Isumassarsiaq kingulleq: Takornarianut pilerisaaraluni takornarissat Aasiannukarusuttussanngorlugit, taanna "reason to go" (tunngavissaq).

Ilaatigut Aasiaats oqaluttuarisaanermi 1700-kunni arfanniat nalaanni pingaarutilimmik inissisimasimanagera, ukioq kaajallallugu, ima taasartakkatsinnik "arfeqarnissaa qulakkeeqqasoq", takornarissat arfernik qanimut takunninnissaat, takornarianut ornigarneqaatissatut ilumuullunga innersuukkusuppara illorsualiorluni, takornarissat arfermik qanimut angissusiviinik angissusilinnik takunniffigisinnaasaat - Aasianniinnaq misigineqarsinnaasoq. Nalunngilara eqqarsaat taamaattoq - immaqa takorluukkattut angitigisumiunngikkaluartoq, eqqaaneqarnikuusoq Visit Greenlandimi Mads Skiftemiit.

Tamaaliornikkut angalatitsisartut takornarissallu ataasiakkaat Aasialiarnissamut inniminiisalissapput aamma angalatitsisartut Aasianni unnuisitsisalissapput.

Takorluungarinngilara katersugaasivik, kisianni Aasiaat Kalaallit Nunaanni arferit-pingaarnertut illoqarfiattut arfernik angissusivii malillugit saqqummersitsivittaassasoq. Isumassarsiaq Islandiminngaanerpoq, Reykjavikkimiillunga takornariarnikuusara Islandimiut taasagaat "Whales of Island" illorsuarmilu arferit angissusiviisut angitigisut 23-nit ikinnerunngitsut takuneqarsinnaapput. Eqqaamasakka malillugit illorsuaq tunisassiorfikuuvoq. Misigisaqarfittut pitsaalluinnarpoq arferit nipaata tusaaneqarsinnaallutik. Piumasunut angallassisoqarpoq arferit ataasiakkaarlugit oqaluttuarilluarneqarlutik.

Immaqa qeqertannguamiittoq tunisassiorfikoq arferit angissusiviinik angissusilinnik arlalinnik takusassiisoqarsinnaavoq!!

Illoqarfeeraq Húsavik Arfernut Katersugaasivimmik taallugu sanasimapput, arfernut pilaavikumi, ukiuni 20 atorneqarsimanngitsumi, taannalu ukiut marluk qaangiupput takornarniarakku. Katersugaasivik 2000-mi ammarsimavoq, suliniaqatigiiffimmit arlaannaannulluunniit pituttorsimanngitsumit ingerlanneqarluni. Taannalu arfernik takornariarfittut ornigarneqarluartuuvoq, katersugaasiviullu arfernut takornariarnerup misiginera pitsaasumik sakkortusitittarpaa.

Nittartagaq una alakkarlugu isumassarsiorfissaalluarpoq: www.whalesoficeland.is.

Ilulissat 2021 junimi Icefjordscentret v/Sermermiut ammaanersiuussavaa – siunniunneqarsinnaavoq Qeqartallip ”Whales of Greenland” 2024 ammaanersiuussagaa. Qularnanngivissumik tassunga aningaasartuutissat ilarujussui aningaasaateqarfinnut allanullu tapiisinnaasunut saafiginninnikkut matussuserneqarsinnaapput. Katersugaasiviup 1700-kunni arfanniaqarnerup nalaani pisunik aamma oqaluttuussinnaavaatigut, taamanimi Aasiaat europami arfannianut qitiungaatsiarluni inissisimavoq. Ullumikkummi Aasianni arfernik takornariartitsinerit misigisassaalluarput puigunaatsut. Pissusissamisuuinnassaarlu katersugaasivimmi ”Whales of Greenland”-mi Qeqertalik ”VISITOR-CENTER”-taartuuppat – oqartarnerattut soorlu niviukkat marluk ataatsikkut pisaralugit.

Illoqarfik ilinniarfeqarfiusoq ilinniartunut atuartunullumi isumassarsiorfittut, paasisassarsiorfittut misigisassarsiorfittullu aallarfissamik peqalissagaluarpoq: ”Whales of Greenland” Qeqertalik.

”Whales of Greenland” Aasiaat Islandimiut misigisassarsiorfiannut unammillertuunaviangilaq, taamaattumik misilittakkatigut iluaqutissatsinnik Islandimi ikinngutitsinnut . Siunnersuutigissuaralu kommunalbestyrelsi Reykjavikimut Húsavikimullu paasisassarsiorlutik angalassasut. Isumassarsiorneq aallarnerlugu nittartagaq una alakkarneqarsinnaavoq: www.whalesofisland.is

Qeqertaliup Ilulissani mittarfittaassaq takornariaqarnerup tungaatigut iluaqutigisinnavaa? - AAP – soorunalimi

Qeqertaliup illoqarfii nunaqarfiilu takornarianit ornigarneqarluartunngorsinnaapput, eqqissisimaarfiusut, pinngortitaq kulturilu allanngorsagaanatik ileqqumisut ittut kiisalu immikkuullarissumik tunuliaqutaqarluni neqeroorutit, Ilulissat mittarfittaassaat ammariarpat: AAP – soorunami. Takornariaqarneq Qeqertarsuup tunuanut tamarmut SIAMMARNEQASSOOQ. Sapinngisarput tamaat silatusaartariaqassaagut ajornartorsiutit Islandip maannakkut aqqusaagai ingalassimaniarlugit: takornarissat ikiliartortut – unnuisarfinniit misigisassallu akiinik qaffaarujussuarnerup malitsigisaanik. Malugalugu tamakku tamarmik pitsaassutsimikkut qaffanngikkaluartut. Islandip massakkut takornariarparpassuit tikerlernikuunerisa kinguneri misigivaat, Reykjavikiminningaanniit takornariaqarpallaartumiit Islandimi ornitassanut allanut soqutiginaatilinnut takornarissanik ingerlatitseqqiineq iluatsinngilaat. 2019-mi takornariaqarneq

malunnartumik annikilleriarujussuarpoq, eqqaaneqarpoq 20%-mik annikilleriartoq tassa 2018-mut sanilliullugu. Amerlasuut Islandi ornitassatut toqqarumajunnaarsimavaat, Ilulissat assiganik pissanngilaq – Islandip kukkussutai ilinniarfigisariaqarpagut.

Oqarutta "Whales of Greenland" piviusunngulertoq, ornigarneqarnerpaat ilaannik peqalissagaluarpog, angalatitsivinnut angalanermillu aaqqissuuteriikkanik tuniniaasunut pisariinnerulersitsissaaq. Namminneq aaqqissuussaminnik angalasartut amerliartortupilussuupput, taakkulu takornarissat Qeqertarsuup tunua ornigarneqarluartunik ujaasiffingagaagamikku Isfjordscenterip saniatigut "Wales of Greenland" Aasianniitog nassaarisassuaat, arfernik takornariarnernut malugalugu ukioq naallugu ingerlanneqartunut ilalerneqarsimalluni.

Naluneqanngitsutut ilulissat kommuneqarfik Qeqertaliup illoqarfiiniit pingasuusunit tamanit takuneqarsinnaapput.

Naggasiutigalugu unnuisarfiit naatsumik oqaaseqarfigissavakka – eqqartugassaq assersuunneqarsinnaalluni: suna pinngoqqaarpa? Kukukooq mannilluunniit?

Siullertut unamminartuuvoq, piffissaq Kalaallit Nunaat takornarissanit ornigarneqarfia, annertusisarmat juni aallarnerfigalugu juni/juli /august/september tikerarfiunerpaasarluni juli augustilu. Tikerarfiunerpaat avataani unnuisarfiit inoqanngitsorpassuit, inoqarnerpaaffiata avataaniluunniit takkuttoqalaassagaluarpog, Visit Greenlandip Air Greenland suleqatigalugu assoroorlutik sulissutigaluarpassulluunniit, isaatitsineq annertuumik appartussaassooq. Tamanna unammillernermik annerusumik pilersitsisinnaavoq unnuinernik akikilliilluni pilerinarsaanikkut. Sipporlugu unnuisarfinnik peqalersimappat ilaanut matusinermik kinguneqassaaq.

Eqaarsaatingigakkuuna, 80-kunni Aasiaat siulliulluni Qeqertarsuup tunuani naatsumik mittarfittaarsimasuuppat, Ilulissat siulliunani (Ilulissat mittarfiat septemberip qaammataani 1984 atulerneqarpoq Aasiaallu 1986-mi (?)),

Aap, taava Air Greenland Aasianni Hotel Arctici sanasimassagaluarpaa. Qularnanngitsumik Aasiaat takornariartarfittut nittarsaanneqarsimassagaluarpog taamaalilluni umiarsuarmik/timmisartumik ornitassanngorsimassagaluarpog Qeqertarsuaq, Qasigiannugit Ilulissallu ilanngullugit.